

附錄

詔書

成吉思皇帝勅真人邱師省所奏應詔而來者備悉惟師道踰三子德重多方命臣奉厥玄纁馳傳訪諸滄海時與願適天不人違兩朝屢詔而弗行單使一邀而肯起謂朕天啟所以身歸不辭暴露於風霜自願跋涉於沙磧書章來上喜慰何言軍國之事非朕所期道德之心誠云可尙朕以彼曾不遜我伐用張軍旅試臨邊陲底定來從去背實力率之故然久逸暫勞異心服而後已於是載揚威德略駐車徒重念雲軒既發於蓬萊鶴馭可遊於天竺達磨東邁元印法以傳心老氏西行或化胡而

道藏輯要

西遊記

聖

胃集三

成道顧川途之雖闊瞻几杖以非遙爰答來章可明朕意秋暑師比平安好指不多及

聖旨

成吉思皇帝聖旨道與諸處官員每

邱神仙應有底修行底院舍等係逐日念誦經文告天底人每與

皇帝祝壽萬萬歲者所據大小差發稅賦都休教著者據邱神仙底應係出家門人等隨處院舍都教免了差發稅賦者其外詐推出家影占差發底人每告到官司治罪斷按主者奉到如此不得違錯須至給付照用者

右付給邱神仙門下收執

照使所據神仙應係出家門人精嚴住持院子底人等並免差發稅賦准此

癸未年三月御寶日

宣差阿里鮮面奉

成吉思皇帝聖旨邱神仙奏知來底公事是也矚好我前時已有聖旨文字與你來教你天下應有底出家善人都管著者好底夕底邱神仙你就便理會只你識者奉到如此

癸未年九月二十四日

宣差都元帥賈昌傳奉

道藏輯要

西遊記

聖

胃集三

成吉思皇帝聖旨邱神仙你春月行程別來至夏日路上炎熱艱難來沿路好底鋪馬得騎來麼路裏飲食廣多不少來麼你到宣德州等處官員好觀你來麼下頭百姓得來麼你身起心裏好麼我這裏常思量著神仙我不會忘了你你休忘了我者

癸未年十一月十五日

請疏三

燕京行尙書省石抹公

謹請

真人長春公住持天長觀者